

画畧新報

TA 9200  
5605  
(6:3)



TA 9200/5605  
(6:3)

HARVARD-YENCHING  
LIBRARY



HARVARD-YENCHING  
INSTITUTE



TA 9200/5605  
(6:3)

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY  
JUN 29 1949

Vol. VI.] THE CHINESE ILLUSTRATED NEWS, JULY, 1885. [No. 3.

# 畫 畧 新 報

大清光緒十一年歲次乙酉 六月

第六年第三卷

西歷一千八百八十五年 七月

中國  
聖教書會印發

LIBRARY A.B.C.F.M. 1936



Chinese

PUBLISHED BY THE CHINESE RELIGIOUS TRACT SOCIETY,



Vol. VI.]

JULY, 1885

[No. 3.

THE  
CHINESE  
ILLUSTRATED NEWS  
MORAL, RELIGIOUS, SCIENTIFIC,  
*INSTRUCTIVE AND ENTERTAINING.*

ANNUAL SUBSCRIPTION, TWENTY-FIVE CENTS.  
FIVE COPIES TO ONE ADDRESS, ONE DOLLAR.

SHANGHAI:

THE CHINESE RELIGIOUS TRACT SOCIETY.

1885.

第六年第三卷目錄

伯利賽圖

腓尼基紀略

萬國各教彙考并圖

颶風圖

化莠爲良

猶太國筵宴圖

各種新聞

靠天吃飯論

論日并圖

熱心勸道

藍翅鳥圖

電報錄要

請作新聞小啓

聖教書會支會定例

告白





伯利賽圖



法國人伯利賽圖○西國之人，思得一藝而能益世者，則國君以迄庶民，無不稱之重之，榮之以爵祿，以勸後來之人，是以人皆專心致志，父作子述，不厭其煩，誠以勸勉得宜也。法國有伯利賽者，生於法蘭西國之愛更地方，其人生而聰穎，嘗思新法可以益人，彼時西國無磁器，乃思燒窰之法，以作杯碟盆盎，人皆寶之，且精化學之理，舉凡生物之類，皆能精考其究竟，以之著書立說，遐邇共傳。其於耶穌之道，亦篤實信從，法王顯理第三，亦稱道之。後法國民亂，伯君遭囚於獄，亂民縱火焚燒，被燔死於獄中，人皆爲之歎惜，勿置。時在西歷一千八百五十九年，并聞地中海泛水之法，卽人家花園內裝置水管，水往上噴者，亦爲伯君所想出，如右圖。

腓尼基紀略○迦南者，含之少子，挪亞之季孫也。生十一子，西頓、赫、耶布士、亞摩哩、革迦撒、希末、亞基、西尼、亞瓦底、洗馬哩、哈抹，皆其出也。厥後族姓蕃延，到處播遷，有與古實之裔同徙於西者，有南徙逾百辣河而居海濱者，有徙亞喇伯東鄙而居巴西海岸者，諸地卽今之葛地肥也。至虞舜時，雅弗之苗裔來爭此地，將十一支一併逐出，赫耶等八支徙居西北，後名迦南，蓋國以其祖名也。其王公大臣皆以牧稱，是後與埃及爭戰，勝之，居埃及，履帝位，四百餘年，名曰牧朝。西頓、亞瓦底、洗馬哩三支之後，徙居迦南東北，建都曰腓尼基，國之人或居海口，或居地中海之島，始而以漁爲業，繼而貿易，惟四面多海，乃造船以通貨賄，自西徂東，若亞非利加、希利尼、羅馬、希斯巴尼諸國，皆通往來。其人之居本國者，以修城爲務，一曰西頓，二曰推羅，三曰亞發，亞發城皆大石所壘，其石有十五尺至十八尺者，遺址今尙存焉。四曰洗



推羅城



馬哩、五曰西那、六曰白日度、七曰撒勒大、八曰地普利、九曰西摩羅、其人安分、不願爭戰、惟事懋遷、凡強鄰壓境、戰表未投而降書已遞、其所以忍辱者、蓋恐誤其本業也、嘗聞有埃及兵至、不思介馬以馳、甘為牽羊之逆、北面稱臣、作僕隸而不辭、由此兩相冷淡、不寇仇而婚媾、彼此常相輔翼、自夏桀至商武丁皆然、庚丁間、亞所利兵將埃及逐出、遂擄其城、腓尼基服事亞所利、亦猶

二十二

服事埃及也、周昭王三十一年、猶太王至、其服事猶太、亦猶其服事亞所利也、舊約列王紀上書五章、備載顛末、桓王四年、巴比倫兵至、敬王十三年、埃及兵復至、其服事也如初、孔子曰、寬柔以教、不報無道、腓尼基有焉、夫國家之興、先富而後強、而貿易尤致富之捷徑、腓尼基專心於此、所以貨賄阜通、四達不悖、東界西亞、有船以通之、而中國、緬甸、印度等處、無所阻隔也、西北界歐羅巴、有船以通之、而大英、古比路、羅馬等處、無所阻隔也、西南界亞非利加、有船以通之、而埃及、西撒伯喇等處、無所阻隔也、各地有商以行貨、亦各地有賈以居貨、懋遷有無、最為便捷、或者曰、東方之船、蓋不自運於西、西方之船、何不自運於東、而必賴乎腓尼基者、何哉、抑知不然、西人本無船、東方有船而不能逕達、何則、腓尼基南界紅海、南鄙有馳名海口、曰雅典、東西之咽喉也、東方之船至此、不準即令前進、而其北鄙尚有陸路若干、不能行船、惟腓尼基之船、在雅典、將東方貨物、若金玉、美石、象牙、香料、沒藥、沉香、檀香、駝毛、絨綾、錦繡等、以土產易去、載之北岸、用駝運至京城、乃能轉達於西方、且其北鄙、為黑海、有一名區、曰各岐、各岐之北、崇山峻嶺、綿亘千里、其中金銀銅鐵諸礦、到處皆是、駿馬名駝、更不勝數、寶藏之興、於斯為盛焉、但他國之船、皆不能至、腓尼基捷足先得、運之四方、其獲利詎有算哉、至於巴西、烏戈、山離、屬賓、於闐、古咄諸國之在其東北者、皆陸路也、運行更非易易、而腓尼基或用駝、或用馬、朝發夕至、千里不啻咫尺焉、





一日西頭二日惟羅三日亞...


城皆大羅

其石城

五尺至十八尺者遺址

職亦出常昧轉翼  
 爽合不察舟而欲  
 而不繙由也西昧  
 非面繙引卦對縣  
 編甘盆牽羊之戲  
 兵至不思介愚以  
 業也嘗問育魁文  
 尋春蓋怒鷄其本  
 書石懸其祖以恐  
 對輝弄未對而制  
 專戀墨几既騰烈  
 矣衣不願爭輝鮮  
 大日西輦羅其人  
 博六八日此普味  
 日白日與十日燄  
 無聖五日西雁六





回 回 教 堂

續萬國各教彙考

第九章考回回教


是教始於亞喇伯國，伊昔亞喇伯國雖拜上帝，而拜諸神者尤衆，間有從猶太基督二教者，然拜偶像者恒多。救主後五百七十年，教祖慕罕麥德，生於蠻哈城，少時爲一富室寡婦行商，遠出貿易，年二十五，遂娶是婦爲妻。慕罕麥德初聞猶太基督二教，皆言人生在世，一切日用事業，皆由上帝安置，心生愛慕，遂居家學道，一面經營生產，勸勉本國人棄假歸真，服事上帝，四十而後，信心既深，道學有得，遂往各處傳教，初五年，信從者僅四五十人，因本城信士無多，周遊數百里外，勸人入教，所至謗言四起，甚有迫害者，救主後六百二十二年，慕罕麥德因本城迫害難居，避於麥底納城，是城原有猶太教人，因與言爾我同教，晤基督教人，言亦如之，並云新舊約書俱屬上帝真經，欲人廢偶像，拜上帝，衆善奉



行消除一切惡事，由是從其教者甚衆，慕罕麥德初傳教時，一片善心，每言拜上帝者，人盛國強，上帝必大加恩賞，不拜上帝者，人滅國亡，上帝必不眷顧，於是日盛一日，從教者益衆，遂易初心，自作威福，欲以權服人，日尋干戈，征奪迭興，猶太基督二教，見其權勢日盛，威力脅人，均不附從，慕罕麥德遂別其名爲回回教，自言上帝惟一，傳教者亦惟我，且自作經籍，陸續漸出，具言上帝默示，慕沒有掌教者，名阿馬爾，命亞布伯克，將慕罕麥德所作經籍，共輯成帙，名曰戈爾安尼經，其經首載上帝創造世界，及一切有益於人善事，次言有一魔鬼，迷惑人心，誘人拜偶像，作一切損人惡事，上帝預定末日審判善惡，遵上帝命而從慕罕麥德者，必升天堂，逆上帝命而違慕罕麥德者，必入地獄，其祭祀與猶太教多同，教中貧寒，竭力周濟，經中引用故典，多自新舊二約書脫化而來，所講之道，率多膚淺，新舊二約書要理，未甚通曉，又復加以非理之許，如遇機會，奉教者亦可滅人家國，是教初起，卽自四周興師動衆，滅人家國，脅從其教，救主後七百十二年，回教興起九十餘年中，脅從波斯國、叙利亞、埃及國、亞非利加北邊境，及西班牙國等國，初立國時，亞喇伯人未嘗學問，開國以後，遂將各國書籍譯成亞喇伯語，嗣後其教遂有大學問人，又於其所轄諸國，建立書院，並傳各國書籍於所轄諸國，救主後一千餘年，是教又平印度北邊境，救主後一千三百餘年，教中鐵木耳出世，欲平萬國，然所得之地，乃原有者，救主後一千四百餘年，又平土耳其國，近今權勢衰微，並無大國從之。

續颶風圖說記事○又前十七年，廣東海邊有颶風，自東至西，如第十圖，甲字一船是英吉利兵船。





第十圖

在颶路中，雖未傾覆，而已側眠於水上，此日乙字一船，自澳門往小呂宋去，遇有北風，見颶浪自東北來，丙字一船，遇西北風甚狂，見颶浪自東北來，稍小，丁字一船，此日不見有風，亦不見有浪，觀圖者可查，乙字一船遇北風，何以見浪自東北來，蓋此邊海有北風，彼邊海有東風，故浪自東北來，船裹在浪中，如圖中墨畫然，夫中華海邊，大約每年有颶風，予所言者，不過指其一二，至西洋諸大海，亦屢有颶風，今試舉其一事，前七十年，英吉利與法蘭西交戰時，法蘭西劫英吉利商船，而英吉利兵船戰而克之，奏凱而旋，約共有船百餘號，遇颶風中樞在其船之右，此時舵工不知往左以免颶，而往右以罹其中樞，百餘號船，幾盡沒於水中，以上所言，皆舵工不知免颶之法，故遭其患。



化莠爲良○談言微中，亦可以解紛，信然哉。嘗觀世之老僧，終日講經說法，瑣瑣屑屑，耳聾舌敝，然而善者自善，惡者賴有懺悔之道而更惡矣，何曾超拔得一人出孽海而登善岸耶。即如世之所謂忠臣孝子者，君父有過則諫不聽，甚者以死爭之，當世彰其行，後世仰其名，誰知彼先自立于不敗之地，而遺君父以不韙之名，自爲計則得，爲君父計則左矣。不若莫釐某婦之一言諷諫而挽姑，行如轉環，頓使乖戾之門庭，化作一團之和氣。孔子曰：吾從其諷諫焉。記昔年莫釐俞君告余者，里居姓氏甚詳悉，惜余半忘之。曰：吾鄉有某姓者，巨富也，有婦甚悍，老姑年八十外矣，婦虐視之，等于奴婢，破衣無煖，粗食無飽，而呼叱頻頻，終日覩婦無好容，姑有淚不敢彈。夫畏婦悍，莫敢誰何，亦聽之而已。居亡何，婦有子已長成，聘某氏女爲媳，入門能盡婦道，羣稱賢淑，而事太姑尤謹。婦獨不以爲然，新婦揣知其意思，有以挽救之。凡太姑一切服用破碎粗陋等物，倍加珍惜，常收拾浣晒，藏之箱中，所用湯飯碗，終年無肯爲一滌者。至是新婦親爲洗拭，珍同至寶。一日竊謂曰：我視太姑高年，日但蔬食猶不飽，奴婢輩頗浪費，食厭魚肉，服都輕暖，太姑敗絮鶉如，令人不安。明日飯時，便脫手碎却此碗，當可爲力。太姑曰：休再累老身受苦。際屆風燭年，尙望他得不凍餓死足矣。汝他日事姑，休效爾姑事吾，然淚隨聲瀉，幾不能成語。新婦亦嗚咽悄悄曰：正爲此，太姑試爲之，有事吾承之，勿憂。太姑見其懇摯，許之。明日將膳，方舉碗，一脫手墜地數瓣，悍婦聞之，便狂奔來，向姑拍桌指罵，幾成打勢。姑無躲身地，新婦徐進，拾之曰：婆婆息怒，此尙可補。悍婦曰：此值幾何，吾但恨老不死的敗人家。新婦遂向太姑曰：何太鹵莽，此傳家物，待太姑百年後，新婦卽以此奉



翁姑者，不見太姑一切服用物，都新婦親手檢藏耶。悍婦聞之語塞，新婦又將碎磁囑婢速去，覓人完補好來。悍婦奪而擲之粉碎，息聲去。新婦遂以上細磁皿盛魚肉進，惡婢二係悍婦從嫁來者，平日最優寵，倚爲耳目爪牙，乃交相禁阻，新婦疾披其頰，齒落，遂侍太姑膳，猶志志不敢咽，新婦強納之，終日相陪，歡



猶太國筵宴圖

欣自若也。悍婦初猶詐作痴聾，悉聽之，然氣漸餒，色漸和矣，不浹旬故轍盡易，見破敝物輒以己之盛服易去之，詩所謂孝子不匱，永錫爾類，其是之謂乎。

紫璇氏稿

猶太國俗，宴客必用長棹，相對設立，鋪設整齊，再用長杙加以鋪墊，宴時主客均橫臥其上，足不沾地，無有坐而食者，其餅疊罇彝等，色樣精緻，不類中土，房舍亦極美麗，遇喜慶事，珍饈羅列，佳餚滿前，亦以酒酌客，昔救主耶穌曾行神跡於猶太加利利迦拿城，時城中有新娶之家，設宴請耶穌及母馬利亞并其門徒預焉，適其家酒餅既罄，耶穌之母爲之言，在彼有石甕六，耶穌卽命其家之僕人滿之以水，無何，水卽變酒，乃命司筵者遞與衆飲，味甘且旨，司筵者不知其故，謂新娶者曰，凡人飲客，必先設旨酒，



後方設魯酒惟爾家留旨酒至今矣此耶穌第一次行神跡新娶之家亦不知惟挹水之僕人知之門徒等皆信從焉



以 水 變 酒

贖武何益○滬報謂中國自遭法人之禍各省籌辦邊防招集兵勇雄師勁旅霧集雲屯所費軍需為數甚鉅計自開辦戎務以至於今支銷餉銀不下七千萬兩此則糜帑之大畧也況乎兵凶戰危干戈相見爭雄於疆場之間勢必兩敗俱傷不致肝腦塗地不止計東京閩江水陸大小數十餘戰華軍致果効忠歿於鎗林彈雨鋒鏑刀刃之下及戎行居民感受疹戾之氣因而殞命者統共十萬有奇軍民塗炭斯亦慘矣即法人軍興以來所費之數亦計與中國相當其陣亡病歿者亦將及一萬之眾而所得越南之地奚異石田乃致啓釁與邦結怨臣民費餉糜師痛定思痛何堪回首窮師贖武果何益哉 法人據地○西班牙國也棟烈都城信息言昨閱閩路日報云馬尼河者西班牙屬土也近有一村

落竟為法人所據懸有法幟該報因從而論之曰西班牙朝廷當將堅尼海灣防務嚴為整頓以保地方而禦外侮則敵釁雖凶將不能再越雷池一步矣西歷五月十九日西班牙都城信又言是日國政院關




門會議時事。水師大臣請於西廷曰：現法人在阿非利加洲西班牙屬土懸豎旗幟，此事須移文責問法廷。倘不獲命，其左執鞭弭，右屬囊鍵，以與法周旋。庶國威可樹，而強鄰不敢肆行窺伺也。法員去國○益聞報載法國前相臣花利自辭官之後，一身孤寄，無以為家。近聞在羅馬京城遊歷，功名心淡，無志出山。不啻嚴分宜在孤獨園時，詠官退身猶贅之句，不禁黯然銷魂也。電氣製衣○外國製衣機器向用人工，以兩足踏動機振。機器上設有兩針，運動時，一針向上，一針向下，可以工奏崇朝，不勞而獲。茲有某西人新得一法，能以電氣運動，無須人力之施。從此雲錦七襄，天孫製巧，無煩織手縫裳矣。鄭重火政○美國都城地少人多，所居房屋，每有高至六七層者。倘最下之層失慎，則以上數層，往往不可救藥。故西人於救火之政，極為講求。茲西報載某西人籌一救火之法，極為美善。而救火時，尤以救人為先。故每層樓窻口，各用摺疊軟梯，平時包藏，置於窻口。其窻上及室中床上，皆有電線通於總線。別令一人主之。倘一朝有警，主其事者，運動電線，則各處窻戶自開，軟梯自能垂下。雖在夜間，室中所臥之人，自能驚覺，下梯而逃。此救火之無上妙法也。朝鮮設電○中國創製電線，大半由余澂甫太守勘路監工，馳驅萬餘里，經營三四年，甫去於冬歲事。今正余太守赴津銷差，傅相以防務孔亟，復委督辦順天畿東團練，兼統馬步練兵槍勇防營，駐紮寶坻縣之大口屯，逐日訓練，並分別巡閱七屬民團。蓋太守向曾在皖南北從軍，曉暢戎機，耐勞耐苦，久為上游器重。是以傅相現特委是差使。昨聞中國欲在朝鮮設立電線，傅相又奏派太守前去，以資熟手。業已奉旨允准。太守即於月之望日，乘海鏡兵船東渡。其偕行者，為候選



知府陳養源太守允頤，俟余太守與朝鮮議定後，即由陳太守帶同洋匠履勘綫路，由仁川口逕達漢城，迤邐通至奉天鳳凰城交界處，是役計山程約一千三百餘里，余太守則先回天津，仍往畿東督辦防務云。淡水池封○中法之事業經和議大定，海口已於初九日開封，初十日海關亦即開辦，中國所置之水雷，尚未取起，船隻進口，由河泊司派引港人導引，有三船進口，均太平無事，又李士卑士致書劉爵帥，請派員前往基隆，驗收釋回之各人，經派蘇軍門於初八日至基隆，法官殷勤款接，將各人交付，法兵於數日內，即當全數退回越南矣。購買兵艦○意大利國共有大兵艦四艘，環地球各國師船，均無能出其右者，近聞英廷特向意廷購買一艘，論者皆以為此船若由英員管駕，定能顯其大用也。又法國近日製造兵船一艘，可裝一千二百噸，每點鐘行五十一華里有奇，船上置口徑八寸重百噸之大礮八尊，刻已下水，計配置機器等事，尚需三十萬餘工，是船統共約需銀三百餘萬兩。

靠天吃飯○人無論老幼，未有不食者，術無論巧拙，未有不思謀食者，但其謀不一，而所據各殊，有憑己之材能以謀食者，憑詩書以糊口，憑力田以育身，憑懋遷以謀養，憑匠藝以果腹，自食其力，非不可矜，然終年拮据，竟有不能免飢餓者，則知憑己以謀食非策也，有憑人之勢力以謀食者，憑祖宗之產業，憑妻子之供給，憑親戚之補助，憑朋友之通財，究之少壯履豐，晚年落魄，一飽可願，百飢誰憐，眼前之友誼皆空，身後之餒而難免，則知憑人以謀食亦非計也，有憑仙佛以飲食者，法鼓金鏡，募編煙村之粥，燒丹辟穀，乞罷善人之齋，卒之鉢冷如洗，僧瘦於柴，而楊柳水瓶，松花院落，終有不能療飢者，則知憑仙佛





以飲食更非良謀也。然則爲飲食計，如之何其可也。其憑天乎？人由天生，命由天定，風雨露雷降自天，百穀用成，日月星辰麗乎天，萬物並育，食爲民天，卽憑天而食，此說似也。然寒暑多致怨，一氣混茫，不能弭天下之憾，旱潦有偏災，四時菁英，不足供斯人之求，嘗見有飲食憑天，而糟糠不給，道殣相望者，則知憑天而食，仍屬得半遺半之論也。何也？竊嘗穆然於太清之上，睪然於於穆之表，春生夏長，歲畷年豐，實有默操其權，主宰乎天者，降百產以養人之身，立大道以養人之心，人能憑此身，旣飽乎膏粱，心更飽乎仁義，水則生命水也，糧則生命糧也，菓則生命菓也，一飲一啄，悉憑天父，生前之身得育，死後之鬼不餒，不誠得所依歸也哉。吾願憑己憑人憑天憑仙佛者，俱回心而憑獨一無二之上帝，則身前身後，必有吃着不盡者矣，尙其勉之勿悞。

來稿


論目○人身具全體骨骸，各適各用，筋肉牽連運動。



無不合宜。血脈運行周身，腦氣筋驅使如意，可謂美且備矣。然外無五官，幾為廢體。此數者，莫能行走，莫能操作，前無所視，後無所見，莫能保其身體，不知美惡，不分香臭，不辨五味，不別聲音，將須與之福樂皆無。靈魂位居體內，固不能由皮膚內而外有所見，皮膚亦復不能知美惡，分香臭，辨五味，別聲音，職此者，須外有純粹之機器，各具一機，各司一用，故上帝復予人以各式之機器，則五官是也。然猶有難言者，蓋以一官必三者合宜，體質合宜，功用合宜，遠近合宜，三者有一不宜，舉為虛置。此如旅舍中，有扁其額曰三益者，一為主益，一為旅益，一為輿馬夫益，三者一有不益，則客路多悞。故人之目視清明，亦有三者，彼此互宜。腦氣筋必與目宜，目必與光宜，一有不宜，則視不明。耳之腦氣筋，必與耳宜，耳必與氣宜，一有不宜，則聽不聰。鼻與舌亦如之。五官之用，舉為奇妙，愈究而愈微奧，其尤奇者，更莫如目。靈魂欲觀萬象，須資乎牖，目乃其牖也。假如目為玻璃透鏡，甚不宜，蓋以凡透鏡，各具一成不易之中樞，如目為透鏡，其中樞適二十尺之遠近，如減為十有九尺，或增其尺為二十有二三，則其目必致昏花，而莫能明晰。且所見之象，必光芒四出，二透鏡重置，可無光芒，如千里鏡是然。二者在首不合，且透鏡亦透熱，太陽火力，可以入腦，損傷腦筋，透鏡亦滯而非活，復不能旋轉應用。透鏡不宜，其餘者尤不宜。惟水宜，然極難措置者，水。上帝具妙法，令吾人之目，完全無缺，凡用皆宜焉。目睛為球，厚若西尺之寸，如甲乙圖，前有目胞，後有目窠，胞之內皮曰罩睛皮，其皮體質輕薄，光明柔潤，罩睛皮之內有明角罩，體似角而甚明，凸如罩，所以透光而見萬物者。目睛球凡三層，外層曰白壳，質甚堅韌，乃如許筋絡交結而成，所以護球者。中層曰血絡



黑油衣，位白壳之內，質乃一片薄衣，有如許血絡，周勻於白壳之裡，上有黑油如濃墨然，所以收聚外入之光而不散者，內層曰腦筋衣，在睛球之內，質柔而亮，甚為微薄，根由於腦，散貼於黑油衣之上，此衣一




甲 圖

壞，即有青盲之疾，油衣之內，又有曰隔簾者，形如圓簾，垂於水內，其中有孔，為瞳人，前後有清水，曰前房水，後房水，簾薄甚，亦有腦氣筋及血絡，又有細微肉絲二層，內層絲圓紋，外層直紋，故隔簾能自大小，比如視太陽烈火，光芒奪目，隔簾即收縮以避之，或入於黑暗，則又自開大以取光，各國人隔簾之色不同，或為黑，或為藍，或如灰，或如棕，惟瞳人則必黑，愈黑愈明，若瞳人黑減，或停滯不活，目將壞矣，其內則睛珠，如稠結明膠一粒，體圓而扁，向外稍平，向內圓凸，與隔簾稍離一罅，有薄明胎衣包之，衣內微有清水，此所以收束外物之象，令小，使恰及腦筋衣之上者也，外此則為水分，有三房，在明角罩之內，為前房，過隔簾孔後，勻浸目珠之前，為後房，二房之水至清，所以導明角

罩所透之象，入於目珠者，其充滿睛球之內，前至睛珠，後至腦筋衣，曰大房水，其水似明淨稀膠，割而仍連，所以導目珠束聚之象，至腦筋衣而轉達於腦者，白壳四圍，有直肉四片，外連睛珠之半，尾連骨窠之





圖

乙

內，其在上者，牽睛向上以視高，其在下者，牽睛向下以視低，在內者，牽睛內入，在外者，牽睛外出，又有運睛之肉，上下二條，其上一條，由目窠底之上，出自目稜上骨之缺，有筋勾之，如轆轤之索，其肉乃曲轉向目外角，能令目睛轉入向鼻，其下一條，粘連白精，近目外角之外，其尾橫粘眼稜下骨，能令目睛轉出，又有棉脂勻填目窠骨內，質極柔軟，令目運轉輕便，肥人脂多，故目常滿，瘦人脂少，故目常深，又有目系，前牽睛球，過目窠骨孔，兩系交貫，入連於腦，眼球向外，平正相對，其根曲向於中，如二果並蒂者，外此則淚核，外目角之骨窠，有一核，其質非肉非脂，長約五分餘，闊三分餘，上凸下凹，有淚管七，透出上胞之裡，與外目角相近約二分許，淚由之出，如淚不生，則目即失其光澤，而無所用，又有左右入淚管，內目角上下有二孔，接淚入管，二管之末相通，近鼻有淚囊，大如小豆，囊之下，有單管，通入鼻，淚由二管入囊，囊滿由單管入鼻，若淚生太急，孔



不能接，或管孔閉塞，淚不能入，則流於面矣。

選韋廉臣先生格物探原

熱心勸道○存心莫重乎仁愛，救人不計夫艱危，昔年美北鄙該的布地方，兩軍對敵，戰士互傷，血流滿地，有傳道先生姓義者，乘馬至此，馬被傷傾跌，義亦受傷，臥不能起，至夜深，忽聞數十步外，有呻吟聲來，呼疼難忍，頻籲吾之上帝，先生嘆曰，吾顛仆在此，安得與被傷殘者相近，出一言以安慰耶，於是從血跡中輾轉反側，眷行漸移至戰傷人處，語之曰，朋友，勿悲哀太甚，吾輩肉身，終歸必死，當念靈魂何以得救也，如是者再三，少間復有兩人來請，為他被傷者禱，憐其不能動作，遂昇之，至他被傷人處，為之禱，且勸其靠托救主，必能得救，引誘勸道，終夜不倦，似此熱心，是即愛人如己也，是即捨身救人也，是即基督被執，尚醫人耳，救主受刑，猶化盜賊之心也，吾輩教友，俱效斯人，吾知萬象回春，必至偕登仁壽域矣，非然者，境遇安樂，勝誇憐愛之心，身罹患難，頓更救人之意，竊恐自命為基督徒，而基督終不識也，豈不大可惜哉，凡我同人，其共勉此熱心可也。



藍翅鳥圖

山東秀牧師稿

藍翅鳥○此鳥喜居樹林中，翅上有藍色之毛，為極美，見人即飛去，若獲之，可養使馴熟，亦可



教以言語，人以其伶俐，常喜畜之，惟性喜殘物，故養之宜謹慎焉，見上圖。

星使言旋○派駐德國欽使李君丹崖，刻已任滿回華，乘英公司船來抵滬上，駐節天后宮行轅，小住三四日，即行起程北上云。添建鐵路○英廷以一旦如與俄國有事於干戈，其由印度直達阿富汗，調兵運械，必需有鐵路之設，方便進行，因特飭法國鐵路公司添建鐵路一條，由印境直達阿邊，現已開工，所有鐵路上需用之物，均用馴象駝運。伊犁亂信○西報記伊犁近事謂於二月十三夜半，有華兵戕殺員弁三人，遽爾揭竿倡亂，據云因近日兵餉支絀，數月未發，故約於十五夜起事，幸事機早洩，為金將軍驅散，不知以後如何。收回商局○去年中法將次失和，當道即將招商局船，售與旗昌洋行，聞者咸為之歎惜不置，今和約既成，江海程途均已無阻，招商局總辦馬眉叔觀察，向旗昌洋東將前帳結算清楚，聞於七月初一日，收回商局，拔美幟而立龍旗，想有心人聞之，當必為之色喜焉。有事於俄○天津西簡云，中俄之事，不久或有齟齬，聞華兵已向中俄交界之琿春地方進發，如是則北方又將有事矣。俄高潛約○寓高西友信云，高麗近與俄國暗立和約，高麗全國悉歸俄人保護云云。基隆近信○駐紮基隆之法兵，已於初九日退盡，法提督利士卑士坐船，於升中國龍旂時，即升砲二十一門以誌慶。海關上人，亦均由淡水以往基隆，照常辦事，當西人未往基隆以前，有華兵在海關行劫，後為西人拿獲數人，匪黨始散，該處居民及地方官，亦得過返，計法人在此有十月之久，所築馬路，則竟為華人所用，至土人之避亂者，大約稍緩時日，方能言歸故里云。炸彈猛厲○美國人某甲，近來製就五寸圍圓之開



花彈中置油甜炸藥，燃擊時可洞穿山石，只有五寸之穴，且甚深透，以之攻打砲台，即極堅至固者，亦難抵禦也。工師得木○暹羅國內山野寬廣，樹林濃密，其間棟樑之材，不乏其選，近聞濱角埠有西人名雲梭者，察得某山樹木尤佳，欲在英京糾合股分，創設公司，入山伐木，並聞孟買埠鋸木器機局西人甸尼士，昨曾親至暹羅，商購木植，販至孟買，將來取材宏富，定卜利市三倍矣。大水爲災○今年各處水災，爲害甚巨，廣東則三江水漲，冲崩基圍，漂沒田園，街市盡成澤國，被害者有十五州縣，聞四會縣知縣不知去向，恐亦遭水厄，誠五十年未有之大災也。鎮江亦發蛟水，兼之江水驟漲，幾與岸平，湖南則水勢浩瀚，淹沒數州縣，冲壞人畜不計其數，蕪湖則江水暴漲，沿江電杆多浸水中，九江亦發大水，房屋被風浪冲倒，平地積水丈餘，田園淹沒殆盡，安慶之淮北六泗鳳穎各州縣，則大半變爲水國，驛遞因之阻隔，而六安州一帶，則爲害更盛云。印督辭官○印度爲英之外府，英廷視之最重，故印度總督一缺，必國家重臣始克以當之，厥任甚崇，管轄五印度一帶之英屬地方，得專節鉞，并能簡派三四等公使出外駐紮，固儼然一小朝廷也，近聞其總督將欲掛冠而去，跡其所以致政之由，蓋因英廷所爲，與其意不合，故欲棄軒冕而返林泉，以賦遂初之願，然所因何事，則猶未得而知也。高島形勢○高麗口外有哈密墩島，現爲英人所據，以防俄國，該島在濟州之東，俗名三山島，爲全羅道羣島之首，是處分內外兩島，形狹而長，旁有小島一，如鼎足之勢，山高七十九丈，山脈連絡，如斷而續，相離處約一百五十弓闊，中間天然巨港，從右邊南島進港，港水縱橫，約三英里，深足容重，大船舟楫，均灣泊於此，外島二村，合民百五十戶。



內島民村，村各一百五十戶，中尚有零星小村莊數處，島民皆以種麥捕魚爲業，不產禾稻，終歲以麥爲飯，魚爲羹，時有遭風難船漂至長州，現雖被英人佔據，而土民捕魚，則仍其舊，計共漁舟十數艘，所獲鮑魚鱈魚最夥，鮑魚大者，重有三四斤云。

電報錄要○丹國現在養軍秣馬以自衛，若英俄兩國交戰，該國亦當守局外之約。○英廷照會泰西各國云，倘英俄事竟決裂，英國戰船必從黑海以攻俄疆。○俄國現已派定人馬九千，砲手十六隊，向南而行，又有輪車機匠十隊，火輪機器二百車，亦向阿富汗進發。○出使英國大臣曾龔侯，已與英外務大臣立約簽名，所有印度等處運來之鴉片，每箱抽正稅銀一百十兩正。○英相哥公現已辭職，英廷以子爵沙公代理，已入軍機處辦理事件矣。○蘇彝士運河，前被挖泥機船阻塞，今已一律開通，船可暢行矣。○英廷已派赫德爲駐華欽使，兼管高麗事務。又云，法國下議院近又議定，派兵三千名，前赴馬達加斯島，不知何意。○英國國會現已閉門，須待七月初六日，再行開門聚議。○倫敦某日報論及執政者，現皆注意於埃及之事，而於英俄大局，則漫不經心，未免措置失當也。○英前相哥公，本守經黨之魁也，辭職後，守經黨中人，大有斯人不出，如蒼生何之意，哥公以黨中之屬意於己也，自願再效馳驅，俟秋間國會再聚時，想可定奪矣。○越南順化之越兵，近忽與法將孤爾雪所率之兵相戰，越兵敗北，是役也，越兵二萬人，死者一千二百人，法兵則死六十人，刻下，孤將軍業已檄調法兵往助守禦矣。○真臘地方大雨，雹樹木及田中所產，盡爲糜爛云。



請作新聞小啓

本聖教書會所出之月報及畫圖新報，已有年矣。按月所消，不下三四千本。然而見聞有限，耳目不週，致各處奇聞軼事，每多缺如。良以無人爲之傳達也。今擬請各省無論教中教外各友，如有新聞奇事，以及天文地理格致博古論說教會中事，有益於世者，字格不拘多少，祇須實事求是，每月或一篇，或數篇，惠寄來者，本書會卽酌以月報或新報一本或數本，以作謝意。量來稿之多寡，以定答報之本數。如合意者，可書明尊名居址，認定按月所書一篇，或數篇，寄至上海英租界北京路十八號門牌中國聖教書會范約翰，卽西名 REV. J. W. M. FARHAM. 是也。而最妙，則交各處代理聖教書會之西國教師，以便代遞，則可節省信費。今將各教師台銜登列于左。

廈門馬教師	台灣偕教師	青州仲教師	武定漢教師	平陽德教師	安慶金教師
桂陽巴教師	漢口郭教師	杭州西教師	重慶李教師	大理花教師	淡水求教師
烟台雷教師	牛莊羅教師	宜昌竇教師	保定貝教師	天津山教師	通州江教師
汕頭目教師	登州狄教師	濟南莫教師	南京李教師	寧波羅教師	北京劉教師
揚州某教師	四川韋教師	福州武教師	蘇州潘教師	香港海教師	衢州藍教師
廣東惠教師	龐家莊博教師	舊金山嘉教師	三得維支臺教師	九江	鎮江
新加坡閣教師				林教師	



中國聖教書會支會定例

一 支會之設乃以分耶穌聖教之書於中國其尤要者按月往各家勸化捐銀相助○二 會中執事者乃會正一人副會正一人紀錄一人司賬一人其分書之人該用幾人隨意酌議○三 執事按月聚集一次辦理會中之事若另有要事隨時擇日聚議○四 分書人之職各人派定某街某巷地段按月往各家勸化隨各家人數多寡分送小書如有售書或捐得銀錢即以協助此事使更加增益○五 執事及分書之人有出缺可隨時選舉他人補入惟至年會時必重新選舉或保舊人或保新人悉隨眾意○六 凡按年捐錢一千或一千以上者即為會士年會時亦可同議會中之事○七 捐錢十千或十千以上者即為終身會士○八 西歷按年四月第一禮拜二眾會士聚集紀錄回報一年之事並講聖道一篇○九 年會聚議之事紀錄彙集一編以呈總會司信之人

告白○茲者本館所印月報按年十二卷為一本每十本躉賣價洋一元零賣每本價洋一角三分畫圖新報按年十二卷為一本每十本躉賣價洋二元零賣每本二角五分再有關虛篇每百本價洋五角真理易知每百本價洋六角三要錄每百本價洋一元五角得救要法每百本價洋一元真理譬言每百本價洋一元七角五分喻道傳每百本價洋二元三角耶穌教問答每百本價洋二元勸解鴉片論每百本價洋四角祀先辨謬每百本價洋六角天道溯原每百本價洋四元二角靈魂之糧每百本價洋四元定志錄每百本價洋八角張袁兩友相論每百本價洋二元聖教析義每百本價洋一元安樂家每百本價洋五元孩童故事每百本價洋一元閨娜傳每百本價洋四元單張八種係五色西紙所印上有畫圖下有註解每千價洋一元五角蕩子歸家摩西事畧約瑟事畧但以利事畧以上四種係西紙所印每本載五彩畫圖七幅俱有註解每百本價洋四元







